


冊府元龜

百十二之十四

三十四



三〇〇	一	五	五三四	漢書門類
冊	架	函	號	

三五九	三〇	五三四	漢書
架	冊	號	類

內閣文庫	
番號	漢 5345
冊數	300 (34)
函號	365 6



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





冊府元龜

淺草文庫

淮南李嗣京參閱

西極文翔鳳訂正

豫章黃國琦較釋

帝王部

一百十二

巡幸

易曰風行地上觀先王以省方觀民設教書曰五載一巡狩羣后肆朝蔡邕云天子車駕所至民臣以爲徼幸故謂之幸漢制曰巡狩之制以宣聲教如此則王者巡幸之禮有自來矣是故省風俗見高年所過

必給復所至必赦宥出警入蹕清道而郊駕春遊秋
 豫從容以展義必有節制是謂禮經管子曰先王之
 遊春出原農事之不本秋出補人之不足從樂而不
 及者謂之荒夏諺曰吾王不遊吾何以休吾王不豫
 吾何以助蓋豫行教化勉民事而已豈徒事車轍馬
 跡以遍天下者乎

黃帝南巡狩至於東濱澤

舜既陟帝位歲二月就巡狩至于岱宗柴

諸侯為天子守土故

稱守巡行之既班瑞之明月乃順春東
 巡岱宗泰山四岳所宗燔柴祭天告至
 望秩于山川
 東岳諸侯境內各山大川如其秩次望祭之謂
 五岳牲禮視三公四瀆視諸侯其餘視百子男
 肆觀

東后

遂見東方之國君

協時月正日同律度量衡

合四時氣節月之小

大日之甲乙使齊一也律法
 制及尺寸斛斗斤兩皆均同

修五禮五玉

修吉凶賓軍嘉之禮

五等諸侯
 執其玉

三帛二生一死贄

三帛諸侯世子執纁公之孤執玄附庸之君執

黃二生卿執羔大夫執鴈一死士
 執雉玉帛生所以為贄以見之

如五器卒乃復

復還器謂圭璧如五器禮
 終則還之玉帛生死則否

五月南巡狩至于南岳如

岱禮

南岳衡山自東岳南巡五月至

八月西巡守至於西岳如初

華山初謂岱宗

十有一月朔巡狩至于北岳如西禮

北帝歸嘗山

格于藝祖用特

巡守四岳然後歸告至文祖之廟藝文也言祖則考特一牛

五載

一巡狩羣后四朝

各會朝于方岳之下凡四處故曰四時將說敷奏之事故申言之堯

舜同道舜治則然堯又可知

敷奏以言明試以功車服以庸

敷陳奏進

也諸侯四時各使陳進治禮之音明試其言以要其功或則賜車服以表顯其能用

三十九年南巡守

臣欽若等曰凡巡幸不書年月及無還宮月日者皆史闕

夏禹十六年東巡守會諸侯江南計功

一大禹至大越上苗此大

會計爵有德封有功因名苗山曰會稽

周成王撫萬邦巡侯甸

即政撫萬國巡行天下侯服甸服也

四征弗庭

綏厥兆民

四面征討諸侯之不直者所以安兆民事具帝王親征門

穆王時造父取驥之乘匹與桃林盜驪驛騮綠耳獻

之王使造父御西巡狩

恭王二年遊於涇上

漢高帝初為漢王二年十月如陝鎮撫關外父老

六年十月人告楚王信反帝用陳平計乃偽遊雲夢

十二月會諸侯王于陳楚王迎謁因執之

七年夏四月行如雒陽

如往也

八年三月行如雒陽九月行自雒陽至

九年十二月行如雒陽二月行自雒陽至

十二年破淮南王布軍還過沛留置酒沛宮悉召故人父老子弟佐酒發沛中兒得百二十人教之歌酒

酙帝擊筑自歌曰大風起兮雲飛揚威加海內兮歸

故鄉安得猛士兮守四方令兒皆和習之帝乃起舞

慷慨傷懷泣數行下謂沛父兄曰遊子悲故鄉吾雖

三

都關中萬歲之後吾魂魄猶思沛且朕自沛公以誅
 暴逆遂有天下其以沛為朕湯沐邑復其民世世無
 有所與沛父老諸母故人日樂飲極歡道舊故為笑
 樂十餘日帝欲去沛父兄固請帝曰吾人衆多父兄
 不能給乃去沛中空縣皆之邑西獻帝留上張飲三
 日

惠帝時出遊離宮奉嘗叔孫通曰古者有春嘗果方
 今櫻桃熟可獻願陛下出因取櫻桃獻宗廟帝許之

文帝三年五月匈奴入居北地河南為寇帝幸甘泉

蔡邕云天子車駕所至民臣以為僥倖故曰幸見令
 長三老官屬親臨軒作樂賜以食帛越巾佩帶之屬

民爵有級數或賜田租之半故因謂
 之幸也甘泉在雲陽本秦林光宮 自甘泉之高奴

高奴上郡之縣 因幸太原見故羣臣皆賜之舉功行賞諸民

里賜牛酒復晉陽中都民三歲租留游太原十餘日

七月自太原至長安

十年冬行幸甘泉

十一年十一月行幸代正月自代還

十五年四月幸雍始郊見五帝

後元二年夏行幸棧陽宮

三年二月行幸代

四年五月行幸雍

五年正月行幸隴西三月行幸雍七月行幸代

武帝元光二年十月行幸雍祠五時

六年六月行幸雍

元朔四年冬行幸甘泉

元狩元年十月行幸雍祠五時

二年冬行幸雍祠五時

元鼎四年十月行幸雍祠五時賜民爵一級百戶牛

酒行自夏陽東幸汾陰

夏陽馮翊之縣也汾陰屬河東汾音扶云切

十一

月甲子立后土祠於汾陰睢上禮畢行幸滎陽還至

雒陽

五年十月行幸雍祠五時遂踰隴

即今之隴山

登空同

山名

西臨祖厲河而還

六年十月行東將幸緱氏至左邑桐鄉聞南越破改

為聞喜縣春至沒新中鄉得呂嘉首改為獲嘉縣

元封元年十月自雲陽北歷上郡西河五原出長城

北登單于臺至朔方臨北河勒兵十八萬騎還祠黃

帝於橋山

在上郡周陽縣

廼歸甘泉正月行幸緱氏用事華

山至于中嶽遂東巡海上四月登封泰山復東巡

海上至碣石自歷北邊九原歸于甘泉

二年十月行幸雍祠五時春幸緱氏遂至東萊四月

還祠泰山至甄子臨决河

四年十月行幸雍祠五時通廻中道廻中在安定高平有陰阻蕭關

在其北自廻中遂北出蕭關蕭關在安定朝那縣歷獨鹿鳴澤

獨鹿山名也鳴澤澤名也皆在涿郡遵郡北界也 自代而還幸河東三月祠

后土幸中都宮

五年東行南巡狩至于盛唐在南郡望祀虞舜于九疑

登瀟天柱山在今舒州自尋陽浮江親射蛟江中獲之舳

艫千里薄縱陽而出作盛唐縱陽之歌遂北至琅琊

並海所過禮祠其名山大川三月增封泰山還幸其

泉郊泰時

六年冬行幸廻中廻中在安定蕭關在其北三月行幸河東祠后

土

太初元年十月行幸泰山十二月禮高里祠后土東

臨渤海望祠蓬萊山春還受計于其泉八月行幸安

定

二年三月行幸河東祠后土

三年正月行幸東巡海上四月還脩封泰山禪石閭

石閭山在泰山下陞南方方士言仙人閭

四年冬行幸廻中

天漢元年正月行幸其泉郊泰時三月幸河東祠后



二年三月行幸泰山脩封祠明堂因受計還幸北地
祠嘗山瘞玄玉

太始二年正月行幸廻中

三年二月行幸東海獲赤雁作朱雁之歌幸琅邪日禮
成山登罍罍浮大海山稱萬歲

四年三月行幸泰山四月幸不其祠神人于交門宮

五月還幸建章宮大置酒十二月行幸雍祠五時西

至安定北地

征和元年正月還行幸建章宮

三年正月行幸雍至安定

四年正月行幸東萊臨大海三月帝耕于鉅定齊國縣

還幸泰山脩封六月還幸甘泉

後元元年正月行幸甘泉郊泰畤遂幸安定

二年二月行幸盤屋五柞宮盤屋扶風縣也有五柞樹因以名宮

宣帝神爵元年正月行幸甘泉郊泰畤三月行幸河

東祠后土

五鳳元年正月行幸甘泉郊泰畤

二年三月行幸雍祠五時

三年三月行幸河東祠后土

甘露元年正月行幸其泉郊泰時

二年十二月行幸蕢陽宮 在扶風雋縣秦文王所起蕢音信 屬玉觀

屬玉水鳥似鵝鵠以各觀包屬音之欲切

三年正月行幸其泉郊泰時

黃龍元年正月行幸其泉郊泰時

元帝初元二年正月行幸其泉郊泰時

四年正月行幸其泉郊泰時三月行幸河東祠后土

五年三月行幸雍祠五時

永光元年正月行幸其泉郊泰時

四年三月行幸雍祠五時

五年正月行幸其泉郊泰時三月幸河東祠后土冬

幸長楊射熊館

建昭元年三月行幸雍祠五時

二年正月行幸其泉郊泰時三月幸河東祠后土

成帝鴻嘉元年二月行幸初陵帝始為微行出

永始四年正月行幸其泉郊泰時三月行幸河東祠

后土帝乃帥羣臣橫大海溱汾陰既祭行遊介山回

安邑 介山在汾陰東北回謂繞過 顧龍門監鹽池 龍門山在今蒲州龍門縣北鹽

池在今虞州安邑縣南 登歷觀 歷山上有觀也 陟西嶽以望八

荒迹殷周之虛耿然以思唐虞之風 西岳華山之上高峻故言以望



八荒殷都河內周都岐豐堯都平陽舜都蒲阪皆可相見故云迹殷周之虛思唐虞之風也虛謂日墟

元延元年三月行幸雍祠五時

二年正月行幸甘泉郊泰時三月行幸河東祠后土

冬行幸長楊宮從胡客大校獵宿黃陽宮

三年三月行幸雍祠五時

四年正月行幸甘泉郊泰時三月行幸河東祠后土

綏和元年三月行幸雍祠五時

二年正月行幸甘泉郊泰時三月行幸河東祠后土

後漢光武建武二年二月己酉幸修武

本殷之寧邑武王伐紂勒

兵於此改曰修武今懷州縣也

辛卯至自修武三年十月壬申幸春

陵祠園廟因置酒舊宅大會故人父老

光武舊宅在今隨州棗陽

縣東南宅南二里有白水焉

十一月乙未至自春陵

四年二月壬子幸懷壬申至自懷四月丁巳幸鄴己

巳進幸臨平

屬鉅鹿

五月進幸元氏辛巳進幸盧奴六

月辛亥還宮七月丁亥幸譙八月戊午進幸壽春十

月甲寅還宮十一月丙申幸宛十二月丙寅進幸黎

丘

五年正月癸巳還宮七月丁丑幸沛祠高廟進幸湖

陵

縣名屬山陽

又幸蕃

音皮屬魯國

八月己酉進幸郊

縣名屬東海

冬十月還幸魯使大司空祠孔子又幸臨淄進幸劇

是月還宮

九年六月丙戌幸緱氏登輟轅緱氏縣有緱氏山輟轅山有輟轅坂並各

在雒陽東南

十年八月乙亥幸長安祠高廟有事十一陵戊戌進

幸汧今瀧州汧源縣十月庚寅還宮

十一年二月癸酉幸南陽還幸章陵祠園陵庚午還

宮

十七年四月乙卯南巡狩皇太子及右翊公輔楚公

英東海公陽濟南公庶東平公蒼從幸潁川進幸葉

章陵五月乙卯還宮

東觀記日上以日食避正殿讀圖識多御座廡下淺露中風發

疾苦眩甚左右有白大司馬史病苦如此不能動搖
自強從公出乘車行數里病差四月二日居駕宿偃
師病差數日入南陽界到葉以車騎省留數日行黎陽兵馬千餘匹遂到章陵起居平愈 十月甲

申幸章陵修園廟祠舊宅觀田廬置酒作樂賞賜十

二月至自章陵

十八年二月甲寅西巡狩幸長安三月壬午祠高廟

遂有事子陵歷馮翊界進幸蒲坂祠后土四月甲戌

還宮戊申幸河內戊子至自河內十月庚辰幸宜城

今襄州縣還祠章陵十二月乙丑還宮

十九年九月南巡狩壬申幸南陽進幸汝南南頓縣

舍又幸淮陽梁沛

二十年二月戊子還宮十月東巡狩甲午幸魯進幸

東海楚沛國壬寅還宮

二十二年閏正月丙戌幸長安祠高廟遂有事于陵

二月巳巳至自長安

三十年二月東巡狩甲子幸魯進幸濟南閏月癸丑

還宮七月丁酉幸魯國十一月丁酉至自魯

中和元年正月丁卯東巡狩二月巳卯幸魯進幸泰

山事具帝王

四月癸酉還宮巳卯行幸長安祀長陵

五月乙丑至自長安

明帝永平二年十月甲子西巡狩幸長安祠高廟遂

有事于陵十一月甲申進幸河東癸卯還宮

三年十月帝從太后幸章陵觀舊廬置酒會陰鄧故

人諸家子孫並受賞賜十二月戊辰至自章陵

五年十月幸鄴嘗山三老言於帝曰上生於元氏願

蒙優復詔復田租更賦六歲勞賜掾吏及門閭走卒

六年十月行幸魯祠東海恭王陵會沛王輔楚王英

濟南王康東平王蒼淮南王延琅邪王京東海王政

十二月還幸陽城遣使者祠中嶽壬午還宮

十年閏四月甲午南巡狩幸南陽祠章陵日北至又

祠舊宅禮畢召拔官弟子作雅樂奏鹿鳴帝自御塏

麓和之以娛嘉賓還幸南頓勞饗三老官屬至十二月甲午還宮
十三年四月汴渠成辛巳幸滎陽巡河渠因渡河登太行進幸上黨壬寅還宮
十五年二月庚子東巡狩辛丑幸偃師進幸彭城癸亥耕于七邳三月徵琅邪王京會良城徵東平王蒼會陽都又徵廣陵侯及其三弟會魯祠東海恭王陵還幸孔子宅又幸東平辛卯進幸太梁至定陶祀恭王陵四月庚子還宮
章帝建初七年九月甲戌幸偃師東涉港津至河內

詔曰車駕行秋稼觀收穫因涉郡界皆精騎輕行無他輜重不得輒脩道橋遠離城郭遣吏逢迎刺探起居出入前後以爲煩擾動務省約但患不能脫粟瓢飲耳所過欲令貧弱有利無違詔書遂覽淇園已酉進幸鄴勞賞魏郡守令已下至于三老門闌走卒賜錢各有差勞賜嘗山趙國吏人復元氏租賦三歲辛卯還宮十月癸丑西巡將幸長安丙辰祠高廟有事于陵進幸槐里又幸長平御池陽宮東至高陵造舟于涇而還每所到幸輒會郡縣吏人勞賜作樂十一月詔勞賜河東守令掾以下十二月丁亥還宮

八年十二月甲午東巡狩幸陳留梁國淮陽潁陽戊申還宮

元和元年八月丁酉南巡狩詔所經道上郡縣無得

設儲峙時具也命司空自將徒杖柱橋梁有遣使奉迎

探知起居二千石當坐其賜鰥寡孤獨不能自存者

粟人五斛九月辛丑幸章陵祠舊宅園廟見宗室故

人賞賜各有差冬十月己未進幸江陵詔廬江太守

祠南嶽又詔長沙零陵太守祠長沙定王春陵節侯

鬱林府君還幸苑十一月己丑還宮

二年二月丙辰東巡狩乙丑耕于定陶辛未幸泰山

修光武山南壇兆 柴告岱宗 事見帝王封禪門 進幸奉高祖壬申宗

祀五帝于孝武所作汶上明堂光武帝配如雒陽明

堂祀癸酉更告高祖太宗世宗中宗世祖顯宗于明

堂各一天牢卒事遂覲東后享賜王侯群臣戊寅進

幸濟南三月己丑進幸魯祠東海恭王及孔子七十

二弟子壬申進幸東平祠憲王陵乙未幸東阿北登

太行山行至天并關四月乙卯還宮

三年正月丙申北巡狩濟南王康中山王焉西平王

羨六安王恭樂成王黨淮陽王睽任城王尚沛王定皆

從辛丑耕於懷二月壬寅告嘗山魏郡清河鉅鹿平

原東平郡太守詔曰朕惟巡狩之制以宣聲教考同
遐邇解釋怨結也今四國無政不用其良駕言出遊

欲親知其劇易前祠園陵遂望祀華霍華霍山名也今在廬江

縣西南亦名天柱山爾雅曰華山為西嶽霍山為南嶽東柴岱宗為人祈福今

將禮嘗山遂徂北歷魏郡經平原升踐隄防詢訪耆

老咸曰往者汴渠未作深者成淵淺則泥塗追惟先

帝勤人之德謂永平十二年修汴渠底績遠圖復禹弘業聖迹

滂流至於海表不克堂構朕甚慚焉月令孟春善相

丘陵土地所宜今肥田尚多未有墾闢其悉以賦貧

民給與糧種務盡地力勿令遊手所過縣邑聽半入

今年田租以勸農夫之勞乙丑勅侍御史曰方春所

過無得有所伐殺車弓以引避之駢馬可輟解之戊

辰進幸中山癸酉還幸元氏祠光武於縣舍正堂又

祀明帝于始生堂三月巳卯進幸趙辛卯還宮八月

巳丑幸安邑觀鹽池許慎云河東鹽池袤五十一里廣七里周一十六里今蒲州虞


鄉縣西 九月至自安邑

章和元年八月甲申徵任城王尚會睢陽癸酉南巡

狩戊子幸梁巳未幸沛九月庚子幸彭城東海王政

沛王定任成王尚皆從辛亥幸壽春巳未幸汝陰冬

十月丙子還宮



和帝永元三年十月癸未行幸長安詔曰北狄破滅

名王仍降仍頻也西域諸國納質內附豈非祖宗迪哲

重光之鴻烈歟迪尊也言由祖宗蹈履明智有重光累聖之德成此大業書曰茲四人迪

哲又曰宣重光也寤寐歎息想望舊京其賜行所過二千石

長吏以下及三老官屬錢帛各有差鰥寡孤獨篤瘠

貧不能自存者粟人三斛十一月癸卯祠高廟遂有

事於陵庚申至自長安

十三年正月丁丑幸東觀覽書林閱篇籍

十五年九月南巡狩清河王慶濟北王壽河間王開

並從賜所過二千石長史以下三老官屬及民百年

者錢布各有差十月戊申幸章陵祠舊宅癸丑祠園

廟會宗室于舊廬勞賜作樂戊午進幸雲夢臨漢水

而還雲夢今安州縣十一月甲申還宮

十六年十一月乙丑行幸緱氏登百岬山卽栢邳山也 在維州

緱氏縣南爾雅云山一城曰邳東觀記作岬並平眉切賜百官從臣布各有差

安帝建光元年九月戊子幸衛尉馮石符賜寶劔玉

璧雜繒布等

延光三年二月丙子東巡狩辛卯至泰山柴祭及祠

汶上明堂如元和二年故事勞賜郡縣作樂還幸東

平歷魏郡河內壬戌還京幸太學四月乙丑入宮殿

于祖禰十月行幸長安丁亥會三輔守令椽吏于長
安作樂閏月乙未祠高廟有事十一陵歷觀上林昆
明池十一月乙丑至自長安

四年二月甲辰南巡狩三月幸苑

順帝永和二年十月甲申行幸長安所過鰥寡孤獨

貧不能自存者賜粟人五斛庚子幸泰典官會三輔

郡守都尉及官屬勞賜作樂十二月乙亥至自長安

四年十一月丙寅幸廣成苑

桓帝建和元年三月戊辰帝從皇太后幸大將軍冀

府五月癸丑北宮掖庭中德陽殿及左掖門火帝移

幸南宮

和平元年三月徙幸北宮

永興元年三月丁亥幸鴻池

二年十一月甲辰較獵上林遂至函谷關賜所過道

傍年九十以上錢各有差

延熹元年十月幸上林苑

二年十月壬申行幸長安乙酉幸未央宮甲午祠高

廟十一月庚子有事十一陵十二月巳巳至自長安

賜長安民粟人十斛園陵人五斛行所過縣三斛

七年十月壬寅南巡狩庚子幸章陵祠舊宅戊辰幸

雲夢臨漢水還幸莘野祠湖陽公主魯哀王舅壽張

敬侯廟

光武姊湖陽長公主莘野長公主兄魯哀王舅壽張敬侯樊重竝光武時立廟

十二

月辛丑還宮

靈帝光和五年十月較獵上林苑歷函谷關巡狩于

廣成苑十二月還幸太學

獻帝初平元年二月遷都長安三月乙巳幸未央宮

四年十月太學行禮帝幸永福門臨觀其儀賜博士

以下各有差

建安元年十月甲子帝自長安至雒陽八月辛丑幸

南宮

魏文帝初為魏王延康元年六月庚午南征甲午軍

次于譙大享六軍及譙父老百姓於邑東丙午行曲

蠡受漢禪

黃初元年十二月幸雒陽

三年正月行幸許昌宮三月行幸襄邑四月行還許

昌宮十一月辛丑行幸苑

四年正月築南巡臺于苑三月丙申行自苑還雒陽

宮八月東巡九月行幸許昌宮

五年三月行自許昌還雒陽宮七月行東巡幸許昌

宮八月為水軍親御龍舟循察潁浮淮幸壽春揚州

界將吏士民犯五歲刑已下皆原除之九月遂至廣陵青徐二州改易諸將守冬十月行還許昌宮

六年三月行幸召陵乙巳還許昌宮辛未帝為舟師

東征五月戊申幸譙帝遂以舟師自譙循渦入淮從

陸道幸徐九月築東巡臺十月行幸廣陵故城臨江

觀兵戍卒十餘萬旌旗數百里

魏書載帝于馬上為詩曰觀兵臨江水

流何湯湯戈矛成山林玄甲曜日光猛將懷暴怒膽氣正縱橫誰云江水廣一葦可以航不戰屈敵虜哉

兵稱賢良古公宅岐邑實始翦殷商孟獻營虎牢鄭人懼稽顙充國務耕植先零自破亡興農淮西間築

室都徐方置宜運權略六軍咸悅康豈知東山許悠悠多憂傷

七年正月將幸許昌許昌城南門無故自壞帝心惡

之遂不入壬子行還雒陽宮

明帝大和二年正月辛未幸長安四月丁酉還雒陽

宮

四年八月辛巳東巡過繁昌使知金吾藏霸行太尉

事特牛祠受禪壇乙未幸許昌宮十月還雒陽宮

六年三月癸酉行東巡所過存問高年鰥寡孤獨賜

穀帛四月壬寅行幸許昌宮九月行幸摩陂十二月

行還許昌宮

青龍元年二月丁酉幸摩陂觀龍于是改年改摩陂

為龍陂賜男子爵人二級鰥寡孤獨無出今年租賦

是年正月青龍見
陝之摩陂井中

三年十一月丁酉行幸許昌宮

四年十月己卯行還雒陽宮十二月乙未行幸許昌

宮

景初元年五月己巳還雒陽宮

初文帝值天下三分
方隅多事皇輿亟動

役無寧歲蓋應時之務非舊章也明帝凡三車巡狩
所過存問高年恤疾苦賜谷帛有古巡幸之風焉

齊王正始元年八月巡省雒陽界秋稼賜高年布各有差

高貴鄉公甘露元年四月丙辰幸太學

事見帝王
文學門

二年五月辛未幸辟雍會羣臣賦詩

陳留王咸熙元年正月甲子行幸長安

晉成帝咸和五年十月丁丑幸司徒王導第置酒大會

咸康元年三月乙酉幸司徒府

後魏道武登國二年十月癸卯幸濡源十一月遂幸赤城十有二月巡松漠還幸牛川

七年八月行幸漠南仍築巡臺

九年三月帝北巡五月田于河東七月還幸河南宮十年五月幸鹽池宮六月幸河南宮

天興元年正月帝自中山行幸嘗山之真定次趙郡

之高邑遂幸于鄴帝至鄴巡登臺榭遍覽宮城將有
定都之意乃置行臺以龍驤將軍日南公和跋爲尚
書與左丞賈彞率郎吏及兵五千人鎮鄴帝自鄴還
中山所過存問百姓詔大軍所經州郡復貲租一年
除山東民賦租之半二月車駕至自中山幸繁峙宮
三年五月己巳東巡遂幸涿鹿西幸馬邑觀灑源七
月壬子還宮
六年九月行幸南平城規度南面夏屋山背黃瓜堆
將建新邑辛未還宮
天賜元年十有二月戊辰幸狝山宮

二年二月癸亥還宮
三年二月乙亥幸太原山建五石亭三月庚子還宮
四月庚申復幸狝山宮登定襄角史山又幸馬城甲
午還宮八月甲辰行幸狝山遂至青牛山丙辰西登
武要北原觀九十九泉造石亭遂之石漢九月甲戌
朔幸漠南鹽池渡漠北之吐鹽池癸巳南還長川丙
辰歸觀長陂十月庚申還宮
四年五月北巡自參合陂東過嶓羊山大雨暴水流
輜重數百乘殺百餘人遂東北踰石漢至長川幸濡
源七月車駕自濡源西幸參合陂乃還宮八月幸狝

山宮十有一月還宮
 五年正月行幸伐山宮遂如參合陂觀漁于延水至甯川
 明帝永興四年七月東巡乙卯大獮于石會山戊子臨去畿陂觀漁庚寅至于濡源西巡幸北部諸落易以繒帛八月庚戌還宮壬子幸西宮臨板殿大享羣臣將吏卽以田獵所獲各賜之十二月北巡至長城而還
 五年正月乙卯幸西宮三月庚戌幸高柳川甲寅還宮四月乙卯西巡五月乙亥行幸雲中舊宮六月西

幸五原拔獵于骨羅山獲獸十萬七月還幸登薄山帝觀道武遊幸刻石頌德之處及於其旁起石壇而薦饗焉賜從者大酺于山下丙戌自大唐西南巡都部落賜其渠帥繒布各有差遂南次定襄大落城東踰七嶺山田于善無川八月癸卯還宮丁丑幸伐山宮癸未還宮

神瑞元年正月辛巳幸繁峙賜王公已下至於士卒百工布帛各有差二月戊戌還宮庚戌幸伐山宮五月辛酉還宮六月戊申幸伐山宮丁亥還宮
 二年四月北巡五月丁亥次于參合東幸大甯丁未

田於四碑山六月戊午幸去畿陂觀漁辛酉次于濡
 源築立蚌臺射白熊于頽牛山獲之丁卯幸赤城親
 見長老問民疾苦復租一年南次石亭幸上谷問百
 年訪賢俊復田租之半壬辰幸至涿鹿登喬山在上郡周
 陽觀溫泉使使者以太牢祠黃帝廟至廣甯登歷山
在蒲阪縣祭舜廟七月還宮復所過田租之半十月辛酉
 行幸沮洳城癸亥還宮十一月丁亥幸狝山宮庚子
 還宮
 泰嘗元年正月甲申行幸狝山宮戊子還宮六月丁
 巳北巡七月甲申帝自繇鹿陂西行大獮于牛川登

釜山臨殷繁水而南觀于九十九泉戊戌還宮十月
 壬戌幸狝山宮十一月甲戌還宮
 二年四月丁巳幸高柳壬戌還宮五月西巡至于雲
 中遂濟河田于大漠十二月壬申幸大甯長川
 三年正月丁酉朔帝自長川詔護高車中郎將薛繁
 率高車丁零十二部大人衆北略至弱水降者千餘
 人獲牛馬二萬餘頭三月庚戌幸西宮五月東巡至
 濡源及甘松七月乙酉西還戊午至于京師
 四年四月辛巳南巡狩幸雁門賜所過無出今年租
 賦五月庚寅朔觀漁于灑駕還復一年租賦八月辛

未東巡遣使祭嘗岳甲申還宮復一年田租

五年正月甲戌朔自薛林冬還至于屋竇城饗勞將

士大酺二日班禽獸以賜之己亥還宮六月丙寅行

幸翳犢山七月丁酉西至于五嶽丁未幸雲中大室

賜從者大酺八月癸亥還宮

六年正月辛未行幸公陽六月北巡至蟠羊山七月

西巡獵于柞山親射虎獲之遂至于河八月庚子大

獮于犢渚九月庚戌還宮十月己亥行幸代十有二

月丙申巡狩至于雲中

七年正月甲申朔自雲中西巡行幸屋竇城賜從者

大酺三日賜蕃渠帥繒帛各有差二月丙戌還宮賜

從者布帛各有差九月幸灑南宮遂如廣審辛亥嶠

山幽州見其耆老問其所苦賜爵號十月甲戌還宮

復所過田租之半十月壬辰南巡出自天門關踰嘗

嶺四方蕃附大人各率所部從者五萬餘人

以奚斤伐滑臺不克南巡為其聲援故也

八年正月丙申行幸鄴存恤民俗三月乙巳田于鄴

南歸韓陵山幸汲郡至于枋頭乙卯濟河而北西之

河內造浮橋于治阪津閏月己未還幸河內北登太行

幸高都辛酉帝還宮晉陽班賜從官王公以下至于

廝賤無不霑給五月庚寅還次雁門皇太子率留臺王公迎于句注之北庚寅至自北巡丙辰北巡至于參合陂遊于蟠羊山七月幸三會屋候泉皇太子率百官以從八月幸馬邑觀于溫泉九月乙亥還宮大武始光元年四月甲辰東巡幸大甯七月還宮二年六月幸雲中舊宮謁陵廟西至五原田于陰山東至于和堯山七月築馬射臺于長川帝親登臺觀走馬王公諸國君長馳射中者賜金錦繒絮各有差八月還宮
四年正月己亥行幸幽州赫連昌遣其弟平原公定

率兵二萬向長安帝聞之乃遣就陰山伐木大造攻具二月還宮十二月行幸中山守宰貪汙免者十數人癸亥還宮

神嘉元年四月西巡六月甲寅行幸長川七月還宮八月東幸廣甯臨觀溫泉九月還宮十月甲辰北巡壬子田于牛川十二月甲申還宮

三年正月癸卯行幸廣甯臨溫泉作歌戊辰還宮四月甲子行幸雲中八月行幸南宮獵于南山九月甲申行幸統萬遂征平涼十一月乙酉至平涼己亥帝幸安定十二月壬申東還宮



四年正月壬午次于木根山大享羣臣賜布帛各有
 差二月癸酉還宮飲至策勳告于宗廟賜留臺百官
 各有差三月丁丑行幸南宮五月庚寅行幸雲中七
 月癸酉行幸河西起承華宮九月癸丑還宮
 延和元年二月丙子行幸南宮
 二年二月壬午行幸河西三月壬子還宮五月己亥
 行幸山北十一月甲寅自山北還宮十二月辛未幸
 陰山之北

三年正月乙未次于女水大享羣臣班賜各有差二
 月辛卯還宮三月甲寅行幸河西己卯還宮四月丁
 未行幸河西六月甲辰還宮十二月甲辰行幸雲中
 太延元年二月丁未還宮五月甲戌行幸雲中八月
 丙戌遂幸河西九月甲戌還宮十月甲辰行幸定州
 次于新城宮十一月己丑行幸冀州己巳較獵于廣
 川丙子行幸鄴祀密太后廟諸所過對問高年褒禮
 賢俊
 二年正月甲寅還宮十一月己酉行幸桐陽閏月壬
 子還宮

三年二月行幸幽州存恤孤老問民疾苦還幸上谷
 遂至代所過復田租之半三月己卯還宮五月丙申

行幸雲中八月甲辰行幸河西九月甲申還宮十月
 癸卯行幸雲中十一月壬申還宮
 五年正月庚寅行幸定州三月辛未還宮
 太平真君元年七月行幸陰山九月壬寅還宮
 三年五月行幸陰山北十二月丁酉還宮
 四年正月庚午行幸中山二月丙子次嘗山之陽詔
 有司刊石勒銘是月尅仇池三月庚申還宮
 五年二月庚申行幸廬三月戊子大會于鄒南甲申
 還宮五月丁酉行幸陰山北九月帝自河西至于馬
 邑觀于崞川已亥還宮丁未行幸漠南十二月丙戌

還宮

六年正月辛亥行幸定州引見長老存問之二月遂
 西幸上黨觀連理樹於玄氏至吐京討徙叛胡出配
 郡縣三月庚申還宮六月壬申北巡八月幸陰山北
 次于廣德宮十一月辛未還宮癸未西巡
 七年正月戊辰次東雍辛未南幸汾陰二月丙戌幸
 長安存問父老丁亥次昆明池遂田于岐山之陽四
 月甲申至自長安
 八年二月癸未行幸中山五月還宮
 九年二月癸卯行幸定州三月還宮六月辛酉行幸

廣德宮八月詔中外諸軍戒嚴丙戌幸陰山

十一年正月乙丑行幸雒陽所過郡國皆親對高年

存恤孤老二月甲午大蒐于梁州車駕遂征懸瓠四

月癸卯還宮賜從者及留臺郎吏已上生口各有差

正平元年七月行幸陰山九月還宮十月庚申行幸

陰山十二月丁丑還宮

文成興安二年五月行幸崞山辛卯還宮七月辛亥

行幸陰山乙亥還宮十一月辛酉行幸信都中山觀

祭風俗甲午還宮

興光元年六月丙寅行幸陰山八月乙亥還宮十一

月戊戌行幸中山遂幸信都十二月丙子還幸靈丘

至溫泉宮庚辰還宮

太安元年七月丙辰幸河西八月丁亥還宮

二年八月甲申畋于河西十月甲申還宮

三年六月行幸陰山八月畋于陰山之北己亥還宮


十一月將東巡詔太宰常英起行宮於遼西黃山

四年正月行幸廣寧溫泉宮遂東巡平州庚午至于

遼西黃山宮遊宴數日親對高年勞問疾苦二月丙

子登碣石山觀蒼海大享羣臣於山上班賞進爵各

有差改碣石山為樂遊山築壇紀行於海濱戊寅南



幸信都畋遊于廣川三月丁未觀馬射于中山所過
郡國賜復一年丙辰還宮七月丙午行幸河西九月
己巳還宮十月甲戌北巡至陰山有故塚毀廢詔曰
昔姬文葬枯骨天下歸仁自今有穿毀墳隳者斬之
辛卯次于車嶺山累石記行

五年六月戊申行幸陰山八月庚戌遂幸雲中壬戌
還宮

和平元年七月壬午行幸河西八月庚午還宮

二年三月幸中山至于鄴遂幸信都所過皆親對高
年問民疾苦詔民八十以上一子不從役是月辛巳

還宮六月庚申上幸陰山己巳還宮七月壬午行巡

山北八月丁丑還宮

三年二月癸酉畋于崞山遂觀漁於旋鴻池七月壬

寅幸河西十一月壬寅還宮

四年四月癸亥上幸西苑親射虎三頭四月行幸陰
山九月辛巳還宮

五年六月丁亥行幸陰山七月壬寅行幸河西九月

辛丑還宮

六年二月丁丑行幸樓煩宮三月乙巳還宮

獻文皇興元年八月丁酉行幸武州山石窟寺



四年十二月甲辰幸鹿野苑石窟寺

五年六月丁未行幸河西七月丙寅遂至陰山八月

丁亥還宮

孝文延興二年閏六月戊午行幸陰山

二年八月庚申太上皇帝並幸河西拾寅謝罪請降

許之九月辛巳並還宮

五年五月丁未幸武州山辛酉幸車輪山

承明元年十月辛未幸建明佛寺大宥罪人

太和元年四月丁卯幸白登山壬申幸崑山

二年二月丁亥行幸代之湯泉所過問民疾苦癸卯

還宮四月甲申幸崑山丁亥還宮六月己丑幸鹿野

苑

三年二月辛未帝與太皇太后幸代郡溫泉問民疾

苦己亥還宮四月丙申幸崑山己亥還宮八月己亥

幸方山起思遠佛寺丁亥還宮


四年四月辛巳幸白登山五月丙申朔幸火山壬寅

還宮七月辛亥幸火山八月甲辰幸方山戊申幸武

州石窟寺庚戌還宮

五年正月己卯南巡丁亥至中山親見高年問民疾

苦二月丁酉幸信都存問如中山癸卯還中山三月



辛酉朔幸肆州

六年三月辛巳幸武州山石窟寺賜貧者衣食壬午

幸方山

七年四月庚子幸崞山賜所遇鰥寡不能自存者衣

服粟帛壬寅還宮五月戊寅朔幸武州山石窟寺

八年四月甲寅幸方山戊午還宮庚申行幸旋鴻池

遂幸崞山下卯還宮七月乙未幸方山石窟寺

九年四月癸丑幸方山甲寅還宮六月辛亥幸方山

遂幸靈泉池丁丑還宮七月戊子幸漁池登青原崗

甲午還宮八月巳亥行幸彌澤甲寅登牛頭山甲子

還宮

十年四月癸丑幸靈泉池戊寅還宮六月辛酉幸方

山

十一年五月壬辰幸靈泉池遂幸方山甲午還宮

十二年四月乙丑幸靈泉池丁卯遂幸方山巳巳還

宮七月巳丑幸靈泉池遂幸方山巳亥還宮閏九月

辛未幸靈泉池癸酉還宮

十三年四月丁亥幸靈泉池遂幸方山巳丑還宮七

月丙寅幸靈泉池與羣臣御龍舟賦詩而罷

十四年正月乙丑行幸方山二月辛未行幸靈泉池

壬寅還官

七月丙午行幸方山丙辰遂幸靈泉池八月丙寅朔還宮

十六年二月壬辰幸北部曹歷觀諸省巡京邑聽理冤訟三月丁卯巡省京邑

十七年二月辛巳幸永興園徒御宣文堂八月戊申幸并州親見高年問疾苦九月庚午幸維陽周巡故宮基址帝顧謂侍臣曰晉德不修早傾宗祀荒毀至此用傷朕懷遂詠黍離之詩為之流涕十月巳卯幸河南城乙酉幸豫州癸巳次于石濟

十八年正月癸亥南巡乙亥幸維陽西宮二月乙丑行幸河陰規建方澤之所壬寅北巡癸卯濟河閏月癸亥次句注陞南皇太子朝于蒲地壬申至平城宮癸酉臨朝堂部分遷留七月壬辰北巡辛丑幸朔州八月甲辰行幸陰山觀雲川丁未幸閔武臺臨觀講武癸丑幸朔鎮巳未幸武川鎮辛酉幸撫宜鎮甲子幸柔玄鎮丁丑南還所過皆親見高年問民疾苦貧窘孤老賜以粟帛戊辰次旋鴻池庚午謁永固陵辛未還平城宮十月辛亥發平城宮壬戌次於中山之唐湖巳巳幸信都十一月丁丑幸鄴巳丑至維陽十



二月辛亥南伐戊辰至懸瓠

十九年二月甲辰幸八公山戊申巡淮而東將丙辰

至鍾離將臨江水戊辰詔班師三月戊寅幸雒陽乙

未幸下邳四月庚子幸彭城癸丑幸小沛己未幸穀

丘戊辰幸礪礪五月甲戌幸滑臺丙子次於石濟癸

未至自南伐九月丙戌行幸鄴乙未還官

二十年八月戊戌幸嵩高甲寅還官

二十一年正月乙巳北巡二月壬戌次太原癸酉至

平城癸未行幸雲中三月庚寅至自雲中乙未南巡

己酉次離石丙辰次平陽四月庚申幸龍門癸亥幸

蒲坂辛未幸長安戊辰幸未央殿阿房宮遂幸昆明

池

宣武景明三年九月行幸鄴閱武於鄴南十月還宮

四年八月行幸河南城離宮

正始元年十二月行幸伊闕

孝明孝昌二年八月帝幸南石窟寺即日還宮

出帝泰昌元年九月乙巳帝幸都水南過維汭遂至

灑澗己酉復田於北原

永熙二年正月乙亥幸嵩高石窟路巖寺庚子又幸

散施各有差十二月丁巳狩于嵩陽己巳遂幸温湯



丁丑還宮

三年二月辛巳幸洪池陂遂游田

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

帝王部

一百十三

巡幸第二

後周明帝以閔帝元年九月卽位

時未建
年紀

二年六月辛未幸昆明池九月丁未幸同州過故宅

賦詩口玉燭調秋氣金輿歷舊宮還如遇白水更似

入新豐霜潭清晚菊寒井落疎桐舉盃延故老令聞

冊府元龜

帝王部

卷之百十三

歌大風十月辛酉還宮

武帝保定三年七月戊辰行幸原州丁丑幸津門問

百年賜錢帛又賜高年板職有差九月甲子自原州

登龍山丙戌幸同州十二月辛卯至自同州

四年十月丁卯幸沙苑勞師時遣師伐齊癸酉還宮

五年正月壬申行幸岐州七月庚寅行幸秦州八月

丙子至自秦州

天和元年十一月丙戌行幸武功等新城十二月庚

申還宮

三年二月丁卯幸武功丁亥還宮五月庚申行幸醴

泉宮七月戊午至自醴泉宮十一月甲辰行幸岐陽

十二月丁丑至自岐陽

四年五月戊戌行幸醴泉宮七月辛卯至自醴泉宮

五年四月甲寅行幸醴泉宮七月乙卯至自醴泉宮

六年十一月丁巳行幸散關十二月巳丑還宮

建德元年十一月庚戌行幸羗橋集京城以東諸軍

都督以上頒賜有差乙卯還宮十二月壬申行幸斜

谷集京城以西諸軍都督已上頒賜有差丙戌還宮

三年二月乙卯行幸雲陽宮三月辛酉至自雲陽宮

七月庚申行幸雲陽宮戊子至自雲陽宮八月丙申



行幸雲陽宮九月庚申幸同州十月甲寅行幸蒲州
丙辰行幸同州十一月己巳大閱于城東甲戌至自
同州
四年正月癸酉行幸同州三月丙寅至自同州七月
丙辰行幸雲陽宮丁卯至自雲陽宮十月甲午行幸
同州十二月庚午至自同州
五年正月癸未行幸同州辛卯行幸河東涑川甲午
還同州三月壬寅至自同州四月乙卯行幸同州五
月壬寅至自同州六月丁巳行幸雲陽宮八月乙卯
至自雲陽宮

六年五月癸巳行幸雲陽宮六月丁未至自雲陽宮
甲子帝東巡七月丙戌行幸雒州十月戊申行幸鄴
宮十二月庚申行幸并州宮
宣政元年正月壬午行幸鄴宮辛卯行幸懷州置宮
二月丁巳帝至自東巡
宣帝宣政元年六月卽位八月壬申行幸同州十月
癸酉至自同州
大象元年正月甲辰東巡狩戊午行幸雒陽二月乙
亥行幸鄴辛巳詔傳位於太子自稱大元皇帝三月
庚申至自東巡大陳軍伍帝親擐甲胄入自青門皇



帝行備法駕從入百官迎于青門外其時驟雨儀衛

失容自此以後八月庚申行幸同州壬申還官十一

月乙未行幸同州壬寅還官十二月乙丑行幸雒陽

帝親御驛馬日行三百里四皇后及文武侍衛數百

人並驛以從仍令四后方駕齊驅或有先後便加譴

責人馬頓仆相屬

二年二月辛卯行幸同州增候正前驅戒道為三百

六十重自應門至於赤幸澤數十里間幡旗相蔽鼓

樂俱作又令武賁持鋌馬上稱警蹕以至同州

隋文帝開皇元年十月壬辰行幸岐州十二月庚子

至自岐州

二年正月癸丑幸上柱國王誼第庚申幸安成長公

主第二月辛卯幸趙國公獨孤施第

三年六月乙未幸安成長公主第九月壬子幸城東

觀稼

四年二月庚戌幸隴州九月甲子幸襄國公主第乙

丑幸灞水觀漕渠賜督役者帛各有差甲戌以閔內

饑幸雒陽

五年四月戊申至自雒陽八月己酉幸栗園九月丁

巳至自栗園

帝王部

卷之二

四

丹元元

帝王部

卷之二

四

丹元元

七年二月壬申幸醴泉宮四月乙酉幸晉王第十月
庚申行幸同州以先帝所居降囚徒癸亥幸蒲州丙
寅宴父老上極歡曰此間人物衣服鮮麗容止閑雅
良繇仕宦之鄉陶染成俗也十一月甲午幸馮翊觀
祠故社父老對詔失旨帝大怒免其縣官而去戊戌
至自馮翊

八年十一月乙亥行幸定城陳師誓衆

時遣師
伐陳

丙子

幸河東十二月庚子至自河東

九年四月巳亥幸驪山勞旋師也

十年二月庚申幸并州四月辛酉至自并州十一月

辛卯幸國學頒賜各有差

十一年八月壬申幸栗園乙亥至自栗園

十二年七月壬戌幸昆明池其日還宮八月乙亥幸
龍首池

十三年正月壬戌行幸岐州丁亥至自岐州七月丁
巳幸昆明池

十四年十二月乙未東巡狩

十五年正月壬戌次齊州親問疾苦三月乙未至自
東河狩丁亥幸仁壽宮九月至自仁壽宮十一月辛
酉幸温湯乙丑至自温湯

十六年十月己丑幸長春宮十一月壬子至自長春

官

十七年二月庚寅幸仁壽宮九月甲申至自仁壽宮

十八年二月甲辰幸仁壽宮九月辛卯至自仁壽宮

十二月自京師至仁壽宮置行宮十有二所

十九年二月甲寅幸仁壽宮

二十年九月丁未至自仁壽宮

仁壽二年三月己亥幸仁壽宮九月丙戌至自仁壽

官

四年正月甲子幸仁壽宮

煬帝以仁壽四年卽位十一月乙未幸雒陽

大業元年八月壬寅帝御龍舟幸江都以左武侯大

將軍郭行爲前軍李景爲後軍文武官五品已上給

樓船九品以上給黃篾舟舳舻相接二百餘里

二年二月庚午發江都四月庚戌帝自伊闕陳法駕

備千乘萬騎入于東京

三年三月辛亥自東京還京師四月庚辰詔曰古者

帝王觀風問俗皆所以憂勤兆庶安集避荒自蕃夷

內附未遑親撫山東經亂須加存恤今欲安輯河北

巡省趙魏所司依式丙申車駕北巡狩戊戌勅百司

不得踐暴禾稼其有須開為路者有司計地所收即
以近倉酬賜務從優厚己亥次赤岸驛戊午發河北
千餘郡丁男鑿太行山達于并州以通馳道六月戊
子次榆林郡甲辰帝御北樓觀漁于河北宴百僚八
月壬寅車駕發榆林啓民可汗飾廬清道以候乘輿
帝幸其帳啓民奉觴上壽宴賜極厚皇后亦幸義成
公主帳癸巳入樓煩閣壬寅次太原營晉陽宮九月
乙未次齊源幸御史大夫張衡宅宴享極歡己巳至
于東都
四年三月己亥幸大原因出塞巡長城八月辛酉親

祀嘗岳河北道牧守畢集大赦天下凡經縣免一年
租調

五年正月帝自東都還京師二月戊戌次闕鄉詔祭
古帝王陵及開皇功臣墓戊申至京師三月己巳西
巡河右乙亥幸扶風舊宅四月癸亥出臨關渡黃河
至西平陳兵講武五月庚申入長寧谷度星嶺甲申
宴羣臣於金山之上丙戌梁浩壘上音閣下音門水名御馬渡
而橋壞斬朝散大夫黃亘及督沒者九人六月癸卯
升大拔谷山路隘險魚貫而出風霰晦冥與後宮相
失士卒凍死者大半丙午次張掖丙辰御觀風行殿



盛陳文物奏九部樂設魚龍曼延宴高昌王吐屯設於殿上以寵異之蠻夷陪列者三十餘國九月入長安十一月丙子幸東都

六年二月癸亥幸江都宮

七年二月乙未升釣臺臨楊子津大宴百寮乙亥自江都御龍舟入通濟渠遂幸涿郡詔征高麗四月庚午至涿郡之臨朔宮

八年正月辛巳大軍集于涿縣三月辛巳御師戎子

臨戎于遼水甲午渡遼

自此以後事迹具帝王親征門

七月軍敗班

師九月庚寅至東都

九年三月戊寅幸遼民以越王侗民部尚書樊子蓋留守東都四月庚午車駕度遼六月庚午以楊玄感反于黎陽遂班師閏九月己巳幸博陵庚午謂侍臣曰朕昔從先朝周旋于此年甫八歲日月不居倏經三紀追惟平昔不可復希言未卒流涕嗚咽侍衛者皆泣下霑襟

十年二月詔親征高麗三月壬子行幸涿郡癸亥次臨渝宮甲午次北平七月癸丑次懷遠鎮甲子高麗遣使降帝大悅八月己巳班師十月丁卯至東都己丑還京師十二月壬申如東都戊子入東都

十一年三月幸太原避暑汾陽宮八月乙丑巡北塞
戊辰突厥始畢可汗率騎數十萬謀襲乘輿義成公
主遣使告變壬申馳幸鴈門癸酉突厥圍城官軍頻
戰不利帝大懼欲潰圍而出民部尚書樊子蓋固諫
乃止九月甲辰突厥解圍而去十月壬戌至于東都
十二年七月甲子幸江都宮以越王侗光祿大夫段
達太府卿元文都簡較民部尚書韋津右武衛將軍
皇甫無逸右司郎盧楚等總留後事奉信郎崔民象
以盜賊充斥於建國門上表諫不宜巡幸帝大怒先
解其頤乃斬之己巳車駕次淝奉信郎王愛仁諫帝

請還西京又斬之而行

唐高祖武德元年十二月乙酉幸周氏陂過故庄置
酒高會極歡而罷丁亥至自周氏陂

三年十月乙卯以秦王世民東伐王世充車駕幸華
陰送出師也

三年正月癸巳至自華陰二月甲子幸華陰四月壬
寅至自華陰六月癸丑幸昆明池

四年正月乙酉幸山堰卽日還宮閏十月乙卯幸稷
州乙未次于武功舊庄庚申召父老故吏男女數百
人置酒高會賜帛有差辛未幸周氏陂壬申還京師

册府元龜 卷之二 幸二 卷之二 一百十三
六年二月庚戌幸温湯甲寅至自温湯三月乙未幸
昆明池宴從官極歡而罷四月乙未幸故宅改明通
義宮祭元皇帝于舊寢以貞皇后配享高祖哽咽悲
不自勝侍衛莫不歔歔於是置酒高會賜從臣帛有
差十月乙未幸華陰十一月迎勞秦王於忘武頓十
二月甲寅至自華陰

七年正月庚子幸月陂六月辛丑幸仁智宮戊申幸
秦王第七月甲午至自仁智宮壬子幸東宮宴從官
下至胥徒頒賜有差甲寅幸齊王元吉第十月丁卯
幸慶善宮癸酉幸終南丙子幸樓觀謁老子廟十二

月丁卯幸躍龍宮庚午至自慶善宮

八年正月甲寅幸秦王第謂羣臣曰朕以秦王有大
功於宮中立第以異之焉甲子幸月陂六月庚子幸
太和宮七月丙子至自太和宮十月辛巳幸周氏陂
子午幸躍龍宮十一月辛卯幸宜州十二月辛酉至
自宜州

九年正月己未幸月陂三月丙午幸周氏陂乙卯至
自周氏陂

太宗貞觀四年二月乙亥幸温湯丙午至自温湯九
月乙卯幸隴州十一月甲子至自隴州

五年十二月壬寅幸温湯戊申至自温湯

六年三月戊辰幸九成宮發使存問高年鰥寡十一月乙卯至自九成宮園

七年五月癸未幸九成宮十月庚申至自九成宮十一月甲寅幸芙蓉園

八年三月庚辰幸九成宮十月甲子至自九成宮十一年二月甲子幸雒陽宮三月戊子引五品以上

射於儀鸞殿庚子宴三品以上於西苑帝御龍舟沈於積翠池六月丁巳幸明德宮十一月辛卯幸懷州

丙午還雒陽

十二年二月癸亥自雒陽幸河北縣觀砥柱因勒銘于其上以陳盛德庚午幸蒲州甲戌幸長春宮閏二月丁未至自雒陽宮

十三年四月幸九成宮十一月甲申至自九成宮

十四年二月壬午幸温湯辛卯至自温湯

十五年正月辛巳如雒陽次温湯衛士崔卿刁文懿憚於行役冀鑿輿驚擾而停遂夜射行宮矢及寢院者五皆以大逆論已丑詔從行士卒家貧親老者並放還二月癸丑宴從官及山東宗姓雒陽年高於貞觀殿三月戊辰如襄城宮庚午罷襄成宮分賜百姓

十月壬辰幸嵩陽辛丑還宮十一月壬申還京十二月戊子至自雒陽

十六年十一月丙辰西狩於武功甲子幸慶善宮庚午還宮十二月癸卯行幸温湯乙巳還宮

十七年十月壬戌幸芙蓉園十二月庚申幸温湯庚午還宮

十八年正月乙未幸鍾官城庚子幸鄆縣壬寅幸温湯二月巳酉幸靈口村落偏側問其受田丁三十畝遂夜分而寢憂其不給詔雍州錄尢少田者並給復移之於寬鄉乙卯還宮四月辛亥幸九成宮壬子次

太平宮八月庚子至自九成宮十月甲寅幸雒陽宮十一月壬申至雒陽宮戊寅親錄囚徒多所降免庚辰遣使齎璽書詣鄭汝懷澤四州巡問高年宴賜各有差壬午宴父老一百九十人於儀鑾殿班賜有差是月征遼之兵大聚於幽州帝將親征

十九年二月庚戌發雒陽宮辛亥次河陽女子呂年百七十歲太宗幸其宅存問之癸丑次武德太宗將飛騎歷北山行遇猛獸引弓射之應弦而殂戊午次汲縣女子翟張並年百歲太宗幸其宅存問之壬戌次安陽癸亥次於鄴三月壬申次平棘幸張道鴻之

廬賜以衣服禮高年也道鴻餌金膏時一百四十六
 歲丁丑幸定州壬辰發定州四月丁未發幽州丁巳
 次北平登臨海戍降望大壑五月庚午次遼澤壬申
 渡澤丁丑渡遼六月丁未發遼東丙辰次安市城九
 月癸未太宗以季秋草枯遼寒冽即命班師自發幽州後督
職納降事迹並見帝王親征門十月丙申次蒲溝丙午次營州丙辰
 次圍山戊午次漢武臺十一月辛未次幽州庚辰次
 易州丙戌幸定州壬辰發定州戊戌幸并州
 二十年二月乙未幸并州三月巳巳至自遼東八月
 巳巳幸靈州壬申幸漢故甘泉宮庚辰至涇州丙戌

踰隴山關次西瓦亭十一月丙戌至自靈州

二十一年五月戊子幸翠微宮七月庚戌還宮

二十二年正月戊戌幸温湯癸卯御製温湯碑以示

羣臣戊申還宮二月乙亥行幸玉華宮三月丙戌至

玉華宮


高宗永徽四年十月庚子幸温湯乙巳至自温湯

五年二月戊午幸萬年宮乙丑次鳳泉幸温湯乙巳

至萬年宮辛未詔曰朕躬膺寶命嗣奉瑤圖居萬乘

之尊當四海之貴遐觀徃烈詳求前古每希蹤於哲

后嘗勞心于庶物兢懼弗寧憂勤若厲屬天下無事



區宇有截仰高風於汾射斲清暑於林泉朕昔在震
宮侍遊茲壤山川如舊歲月不追今既俗阜年和華
夷胥悅緬懷徽範情兼感慰宜遵省方之義且順陽
和之序曲申惠澤式彰寬宥行幸所經諸縣及岐州
囚徒行人犯罪者流降徒徒以下並免之

顯慶二年閏正月壬寅發京師二月辛酉入雒陽宮
五月丙申幸明德宮以避暑七月丁亥還雒陽宮十
月戊戌幸許州十一月乙卯還雒陽宮
三年二月丁巳發東都還京師甲戌至自東都
四年閏十月戊寅發京師幸東都戊戌至自東都

五年正月甲子發東都幸并州詔所經州縣供頓務
從儉約己巳至澤州之長平頓二月辛巳至并州三
月甲寅幸童子寺賦詩而還四月戊寅發并州癸巳
至東都五月壬戌幸合璧宮六月甲午還東都十一
月甲寅發東都幸許州十二月己卯至東都
龍朔元年四月丁卯幸合璧宮七月甲辰還東都九
月癸卯幸河南縣婦人張氏第張年一百三歲嘉其
老也又幸李勣第歎其服用儉素恩賜極厚是日又
幸天宮寺高祖龍潛第也又至許園師第癸酉還宮
二年三月甲午發東都還京師乙巳幸河北辛亥幸



蒲州夏四月庚申朔至京師十月丁酉駕幸温湯皇太子監國丁未至自温湯

麟德元年二月戊子發京師幸福陽宮癸卯至萬年宮八月丙子至自萬年宮便幸舊宅停七日壬午還

蓬萊宮

二年二月壬午自京師幸東都閏三月壬申朔至自東都十月丁卯發東都赴東岳十一月己卯至滎陽丁亥至衛南幸司空李勣舊居之宅戊子至濮陽十月二日至齊州停十日丙辰發靈巖頓至于秦岳之下

乾封元年正月戊辰朔有事於泰山

事具帝王封禪門 丙戌

發自泰山辛卯次曲阜縣癸未次亳州謁老君廟三

月丁丑至東都甲申發東都還京師幸合璧宮四月

甲辰還京師

總章元年三月戊寅幸九成宮八月癸酉至自九成

宮

二年四月己酉朔幸九成宮九月己亥至自九成宮

還京師十月丁巳至自九成宮

咸亨元年四月庚午幸九成宮八月丁巳還京師九

月丁丑以京師久旱詔來年正月幸東都在路供頓

所須並令司稼自供不得令州縣差科所經道路修

理開拓水可涉渡不煩造橋築宮又擬置御營之驛
並不敢擅加修補在路不得妄有進獻

二年正月甲子至東都十一月庚戌發東都幸許汝
等州十二月丙戌還東都

三年四月庚午幸合璧宮十月壬戌發東都還京師
十一月甲辰至京師

四年四月丙子發京師幸九成宮十月庚子發九成
宮乙巳至京師

上元元年十月丙午朔發京師幸東都戊申至東都
三年二月丁亥發東都幸汝州之温湯三月甲辰發

温湯還東都閏月庚寅發東都還京師四月幸九成
宮十月還京師

儀鳳二年正月庚辰幸司竹園即日還宮

三年五月壬戌發京師幸九成宮丙戌至自九成宮
是日山中霖雨大寒行從兵士有凍死者各賜絹三
疋給棺槨官為埋殯又九月丁巳車駕發九成宮辛
酉至京師十月詔曰咸京天府地隘人繁百役所歸
五方胥萃雖獲登秋之積猶虧浣歲之資眷言于此
思蠲徭賦夫以交風輿壤測景神州職貢所均水陸
輻輳今茲豐熟特倍嘗時事貴從宜寔惟權道即以

來年正月幸東都關內百姓宜免一年庸調及租并地子稅草其當道諸縣特免二年劍南隴右諸軍每供進物一二年且停

調露元年正月己酉幸東都

永隆元年二月癸丑發東都幸汝州之温湯丁巳至少室山戊午帝親謁少姨廟又幸嶽山東閑居寺及隱士田遊巖所居己未幸嵩陽觀及啓母廟並命樹碑又幸道士潘師正所居之谷甲子發温湯乙丑至東都四月乙丑幸紫桂宮八月乙巳發紫桂宮丁未至東都十月己酉發東都還京師

永淳元年四月丙寅發京師幸東都皇太子於京師監國劉仁範裴炎薛元超等並留輔皇太子以關中穀貴遽出詔東幸扈從兵馬特令減數其百官欲將家口往東都者官爲出船任於渭漕東下時士庶皆忽遽出關在路有餓死者戊寅至浣池之紫桂宮乙酉至東都

二年正月甲午朔發東都庚子至奉天宮四月己巳還東都五月庚寅幸芳桂宮至合璧官屬大雨却還東都九月癸亥幸奉天宮十一月丁未自奉天宮至東都文武百官見於天津橋南路左

中宗神龍元年八月丁丑御維城南門以觀闢象十月癸亥幸龍門香山寺乙丑幸新安畋遊而還十一月己丑御維城門樓觀潑胡王戲

景隆二年二月癸未幸左金吾大將軍陸頌宅九月丁卯幸慈恩寺十二月甲寅幸漢故未央宮舊基引從臣賜宴有羣鹿經於御前羽林騎士獲之以獻帝皆命放之

三年正月癸酉幸薦福寺乙亥宴侍臣及近親於梨園亭十一月甲午幸新豐之温湯庚子幸兵部常嗣立莊舍宴賜甚厚特封谷爲幽栖谷是月幸驪山乙

巳至自温湯

四年正月己卯幸始平縣送金城公主出降吐蕃二月癸未至自金城縣三月甲寅幸臨渭亭被襖是日還宮

玄宗先天元年十一月睿宗命帝巡邊誥曰先王省方所以觀風設教聖人順動所以刑清吐服故協時同律彙典之嘗道喬嶽翁河周詩之盛德自王風不競茲禮遂亡兩漢本朝有時于邁三國以降日不暇給我皇家開元首出十代重光寰宇大寧車書無外文祖神宗之德洽于人心考祥展義之規昭於國典

朕祗若不構寅奉慶靈夙懷箕穎之心耿遂汾陽之志皇帝天錫英武神與聰明純孝極於安親大功深於濟代自陟元后實總朕師時政益明彝倫攸敘而邊畔遐阻藩服悠曠式慰來蘇之懷寔允卜征之意加以頃年邊將授任或乖師旅以虧軍威不振今盛德在水玄冥御辰天道成於積陰王制崇於大闕皇帝宜順時巡狩親幸邊陲掌圖修考事之儀典樂具陳詩之禮西泊河塞東踰燕朔望秩名山肆覲羣后休農問老誓師訓卒其有牧州典郡功施於人杖節擁旄隱若敵國者當崇進律之賞加以分麾之命若

郡政不舉軍令莫修聚斂苛細侵削戰士者宜明茲典憲肅以天誅然後七萃騰裝三軍按節合符釜山之典覽軒帝之餘風勒騎單于之臺踐漢皇之故事使陰山罷褻大漠無塵其供帳所資儲擬之費皆令有司支備不得煩人甲午帝以北巡之故慎選良將乃以幽州防禦使幽州都督宋璟爲左軍大總管和戎等軍大使并州長史薛訥爲中軍大總管朔方大總管兵部尚書郭元振爲右軍大總管旣而竟不行二年八月癸卯制曰咸維京師建都惟舊乃眷時邁卜御斯在朕承天纂曆恭已臨人鼎俎雖甘念疲昨

之不足宮室信美暢浮戶之未安事內攢於千慮心
外周於萬物則知帝業初起峭函乃金湯之地天下
大定河雒爲會同之府周公測景寔曰土中總六氣
之所交均萬方之來貢引魚鹽於淮海通稅紵於吳
越瞻彼雒汭長無阻饑自中宗入關於今八載省方
之典久而莫修遂使水漕陸輓方春不息勞人奪農
卒歲何望關東嗟怨朕實聞焉思欲寧人而休轉運
館穀而就敖庾如以暑雨作害災拂秦川歲星有福
祥歸豫野朕情深救弊身豈懷安博考靈心審聽輿
語上奉天以爲孝下利人以爲忠順時而動從衆之

願宜以今年十一月行幸東都凡厥有司各恭乃事
至於行從兵馬供頓貯積務在樽節勿使煩勞考使
選人咸令都集東都宮殿湏理量加補葺不得煩人
朕本爲人而行非擬勞人自奉所過州縣無費黎元
亦不得輒有差科旁求進獻宣布遐邇通知朕意焉十
月己亥幸新豐之温湯乙巳至自温湯

開元二年九月戊申幸新豐之温湯十一月甲辰勅
曰惟此新豐是出古之順豫義兼巡省頃者觀風數
臨茲地以寃滯詢于故老間里歡康田疇懇關况冬
降積雪春期有年且諺王遊果符時邁雖千乘萬騎

咸給於主司而累月再來頌勤於除掃且下復蠲之令慰其望幸之心新豐縣百姓免一年雜差科縣官及溫泉監官經兩度祇承者與一中上考

二年二月癸亥幸郿縣之鳳泉湯甲戌制曰詩人賦塲神甸清道子來經上林之苑園指扶風之藪澤雖獵將提諫虞人植旗仍憫沍寒之節不行肅殺之命豈惟虞舜之典咸秩山川所真周文之風及於鳥獸繇是罷還士卒非重盤遊養彼吏人致有煩擾所謂行者幸也后來其蘇宜申恩惠用符古者所經州縣

供承頓官百姓并告營幕橋道等事宜令所司勘會奏聞其緣御路及頓塲麥苗有損者亦令實具奏聞十一月乙卯至鳳泉湯是月詔曰陳詩展義間俗觀風乃王者之所務也頃屬農事皆隙歲功有成近歷鄠鎬左連岐雍見江山秀麗溝塍綺錯長楊鄠社之間竹林園果之富相望於道家給人足謂之時邁頌慰予懷思所以問耆老恤淹滯舉逸人旌賢士庶協巡遊之典以符行在之恩駕所過之縣見禁囚徒以下咸宜放免流以上罪具犯狀奏聽進止古者親問至年養存養老年九十以上并篤疾各賜物四段綿

布各一屯

四年二月甲辰幸溫泉湯丁卯至自溫泉湯十二月
甲辰幸新豐之溫湯乙丑至自溫湯是月帝將幸東
都以京兆尹蕭璿充置頓戶部侍郎崔皎爲副太嘗
少卿崔子璟充橋道使自華州東北趨同州於渭水
造一浮橋

五年正月辛亥幸東都庚申勅曰行幸所經州宜令
紫微令黃門平章事蘇邈訪察刺史上佐政術定作
三等奏聞二月甲戌至東都

六年七月辛酉詔曰觀俗省方所以愛人治國崇尊
廟貌所以事神享親欽若昔典此惟大義朕祗膺鴻
業積稔成泰去歲欲幸維京已發成命旋屬重營太
廟因將中止未卽展軫効駕信弗可違終肆覲於東
方當載馳於西土流畧不駐通喪永畢象居始成如
在增慕朕之前志日夜匪遑故可以詩陳肅雍禮極
禋祀况神明之隩時惟雍州稼穡有年莫若關輔王
假用吉后来其蘇實獲我心俾從人欲可以今年十
月取北路幸長安所司准式務在節省無得勞費甲
寅復詔曰兩京來去乃是尋常緣頓所湏皆用官物
至於百姓縱暫祗承處置有條不合辛苦其中侵擾

莫非橫干或漁獵畜養以將進獻途使役以徇聲名
實由綱紀未樹教令不行去年從京向都嘗亦處分
蒲州刺史程行謀同州刺史李朝隱陝州姜師度至
其州界咸有進奉惜其能善政故乃屈法收情憶至
於今豈能無恠冬中西幸不可踵前其有輒進送及
餉遺從官并別有煩擾者必科以法御史明加糾察
隨事奏聞九月辛卯以將作大匠韋溱為東郡留守
十月甲寅還京十一月辛未至自東都
七年十月辛卯幸新豐之温湯癸卯至自温湯
八年十月辛卯幸長春官壬午畋於華州之下邽庚

寅遂幸温泉十一月辛卯至自長春官

九年正月甲寅幸新豐之温湯乙亥至自温湯九月
甲戌詔曰王者觀俗以賦政考祥以省方必將協于
人和而奉若天命朕祇承鴻業用康黎庶思振德以
惠物豈勞人以尊已頃年關輔之地轉輸實煩重以
河塞之役兵戎屢動千金有費九載未儲懷此勞軫
以增肝旻且夫苟利於物可隨方而變通將適於人
故因時以巡幸下維萬方之隩維嵩五嶽之中風雨
之所交舟車之所會流通江汴之漕控引河淇之運
利俗阜財於是乎在今欲省其費務以實關中即彼



教庾少留河邑乘歲陽之吉展遊順之儀豈惟龜筮不違故亦詢謀是協修五禮問百年車輿動而不勞玉帛會而胥悅所謂先天以弘道因人以爲利也宜以明年正月十五日幸東都十二月乙酉幸新豐之温湯壬辰至自温湯

十年正月丁巳幸東都二月戊寅至東都八月壬子制曰朕頃自鎬京省方於維本以息轉輸之費卽河漕之殷今屬宗廟改脩禮崇昭事永言配享必在躬親又眷彼晉陽是稱重鎮將陳詩以問俗式安邊而訓武雖來徃祇供頗有煩役而國之大事不可云勞

宜以明年正月三日發維幸并州取便路還京應須支計所留准式緣頓祇承一事已上並用當處官物不許科歛百姓其遞運及從兵馬官寮等務從減省所在公私并不得輒有進獻違者所繇州縣官及進獻人各量事貶罰布告遐邇咸使聞知

十一年正月己巳發東都北巡狩庚辰幸潞州二月辛未歸京師十月丁酉幸新豐之温湯置温泉宮甲寅至温泉宮十二月甲午幸鳳泉湯詔有司萬事自備不得干擾百姓戊申至自鳳泉湯

十二年十一月庚午幸東都戊寅至東都

十三年二月戊午幸龍門即日還宮十月辛酉帝發東都巡狩十一月庚戌至泰山之下去山趾五里巳丑日南至帝與宰臣及外壇行事之官登于嶽上齊宮之所庚寅祀昊天上帝于山上辛卯祀皇地祇于社首之泰拆壇事見帝王封禪門庚申幸孔子宅親設奠祭十二月巳巳至東都

十四年十月庚申幸汝州之温湯辛酉至温湯之行宮時屬雨雪帝親賦喜雪詩以示羣臣巳巳至自汝州之温湯十一月丁巳幸寧王憲宅與諸王宴探韻賦詩即日還宮十二月巳丑幸壽安安定方秀川時

狩故也

十五年六月乙巳西京父老詣闕上表請幸帝手詔許之甲寅制曰朕粵自鎬鄴省方纏維屬九服寧晏四時順成殊徵麗殷景福紛委遂荷靈睭登于介丘先天成功允答休祐蓋敬天知命不敢以寧也我來于東歲亦數稔而西土耆老俟予多怨况關輔之地頃則有年宜叶卜征之祥式展時巡之義可以今年閏九月十日取北路幸長安所司准式緣頓支供一事已上並用當處官物不湏科斂百姓其遞運及行從官寮等物從減省所在公私不得輒有進獻宣布

遐邇知朕意焉七月戊戌幸寧王之第是日憲誕辰也八月己巳制曰朕君臨區宇子育黎元每懷勤恤不欲勞煩而鎬京之地陵寢所在自展義河維已歷歲年所以式尊卜征有事時邁抑惟嘗典寧敢憚勞將欲西巡元取北路今同州有暴水浸于邑居載懷憂惕無忘鑒寐且從南路幸長安所司准式閏九月庚申發東都幸京師十月己卯至京師十一月丙寅幸寧王憲之第

十六年九月己卯幸溫泉宮乙丑至自溫泉宮十一月戊申幸寧王第留宿丁卯幸溫泉宮

十七年十二月辛酉幸溫泉宮壬申至自溫泉宮

十八年四月乙巳幸溫泉宮丁未至自溫泉宮壬戌

幸寧親公主第七月庚辰幸寧王憲第八月辛亥幸

永穆公主宅十月庚寅幸岐州之鳳泉湯癸卯至自

鳳泉湯十一月丁卯幸新豐溫泉湯

十九年六月丁卯制曰三秦九維咸曰帝京五載一

巡時惟邦典上腴多饒衍之美仍勞於轉輸中壤均

舟車之奏頗聞於殷積朕所以相時度宜期于利物

者也况河汴頻稔江淮屢登二周馳望幸之城三川

勤俟予之請然猶未便順動且念人勞期以來年方

議時邁而頃京輔近甸膏澤未均陝雒之交稼穡亦盛固不可俟於今日庶用協乎光天豈肆心於宴安期順人而從幸兩京供帳宿有儲擬十月滌場是因暇隙信可備法駕整勾陳清蹕峻嶺觀風河雒宜以今年十月四日幸東都所司准式十月丙申幸東都勅供頓州縣百姓所緣料及克木匠雜祗供人等宜放今年地租自餘戶等免今年地稅半應定供頓縣官各與一中上考庚辰至東都

二十年七月甲辰制曰昔之握皇綱執大象者或省方以肆覲或巡狩以觀風故軒轅至崆峒之野夏禹列塗山之會雖往古遺事先王高迹觀其出豫稍涉遐遠朕自臨馭天下底綏人極法駕罕順動之儀蒼生多俟來之歎每欲時邁因而布和憚于人勞必也中止惟彼堯俗古風猶遽方於譙郡王業是同西漢高皇永懷于沛邑東京數帝每幸於春陵豈不遠思喬木無忘敬梓况境乃近壤城惟列都旣行幸是嘗亦情禮兼遂又嵩郡天險方位土中而陵寢地遙攀望增感且布政而行化實展懷於志思宜取今年十月十二日幸北都便還西京所司准式十月壬午駕發東都北巡辛丑至北都庚申祀后土於睢上十二

月辛未至京師

二十一年正月丁巳幸溫泉宮丁亥還京十月庚戌幸溫泉宮己未還京

二十二年正月己巳幸東都乙丑至東都

二十三年十月詔曰朕所時邁皆徇物情屬關輔無年遽爾東顧幸非爲已將以息人今百穀旣登庶事皆省而五陵所奉誠在京師安可更留周南有關時薦宜以來年正月七日取南路幸西京所司准式緣行幸所須務從節減所司明爲條例勿使勞煩二十四年正月勅以前議西幸屬歲不登關輔之間

且欲無擾今稼漸熟漕運復多而陵寢久違蒸嘗求感農隙順動得非其時前取今年十月幸西京者以其月三日發東都取南路應緣頓所要務從節減所司明爲條例勿有煩勞十月戊申發東都幸京師甲子至陝州丁亥至京

二十五年十一月壬申幸溫泉宮乙酉至自溫泉宮十二月戊午幸寧王宅

二十六年五月庚寅幸咸宜公主宅十月戊寅幸溫泉宮庚辰至自溫泉宮

二十七年十月甲戌幸溫泉宮十一月辛丑至自溫

泉宮


二十八年正月癸巳幸温泉宮庚子至自温泉宮十月甲子幸温泉宮庚子至自温泉宮二十九年正月癸亥幸温泉宮庚子至自温泉宮十月庚申幸温泉宮十一月辛酉至自温泉宮

册府元龜

帝王部

巡幸第三
唐玄宗天寶元年十月丁酉幸温泉宮十一月己巳至自温泉宮
二年三月韋監開廣運潭畢功得陳舟艦丙寅幸廣運樓以觀之即日還宮十一月戊寅幸温泉宮十一月

淮南李嗣京參閱
西極文翔鳳訂正
豫章黃國琦較釋



月乙卯至自温泉宮十二月戊申幸温泉宮丙辰至自温泉宮

三載正月乙丑幸温泉宮二月庚子至自温泉宮十

月甲午幸温泉宮十一月丁卯至自温泉宮

四載十月丁酉幸温泉宮十二月戊戌至自温泉宮

五載十月丁酉幸温泉宮十一月己巳至自温泉宮

六載十月乙酉幸温泉宮改温泉宮為華清宮十二

月癸亥還宮

七載十月庚戌幸華清宮辛酉還宮

八載十月丙寅幸華清宮十二月丁巳幸御史中丞

楊釗庄

九載正月幸華清宮十月庚申幸華清宮改驪山為

昌山十二月辛卯幸楊國忠亭子十二月乙亥還宮

十載十月辛亥幸華清宮十一月己未幸楊國忠宅

十一載正月至自華清宮十月戊寅幸華清宮十二

月乙亥還宮

十二載十月戊申幸華清宮

十三載正月還宮十月乙酉幸華清宮十二月戊午

還宮

十四載十月庚寅幸華清宮十一月甲子安祿山稱



兵何闕庚午以其事聞於行在丙子還官

肅宗乾元元年十月甲寅上皇幸華清宮帝送於壩
上

二年冬十月丁酉詔曰昔昆夷作患周宣興薄伐之
役陳豨稱亂漢祖發親征之師蓋所以禁暴除克取
威靖難上以保宗社下以拯黎元古者帝王茲道無
替頃者祿山稱兵構逆背義負恩惡既貫盈尋已殄
滅而思明殘寇尚敢挺袂聚其蜂蠆之餘邀我雷霆
之伐朕以干戈屢動黎庶未康繇是按甲延誅冀其
來格而乃竊兵干紀自取滅亡副元帥光弼糾率銳

徒恭行天伐爰啓絳宮之畧克摧青犢之師曾未浹
辰大破克黨此皆穹昊垂祐宗社降靈是以戎律用
貞禔滌斯在如聞蓬艾之下蚊蚋猶虞故當乘破竹
以追奔同燎原而撲滅朕爲人父母深念塗炭是用
大整戈矛方申吊伐撫綏河維以致和平卽以今月
十七日幸東京率六軍取北路進發但巡幸所過自
有行營應緣祇供並有司自辦其路次州縣一切不
得別有徵歛亦不得輒有進獻及時新野味等王公
以下文武從官每頓主人供蔬飯不得輒置魚肉餅
果及鋪設亦不得妄差人力別有祇承行從官及州

縣所繇有如違犯王公以下五品以上具名錄奏當
 日貶官餘并從軍令仍令知頓使左右巡使御史相
 知糾察具狀彈奏如涉阿容及不能舉奏所繇議在
 必行毋貽後悔仍令戶部侍郎同中書門下平章事
 第五琦充置頓使應行幸供擬及兵馬糧料續樽節
 作條件奏聞其從官委中書門下定名錄奏務從減
 省不欲勞煩宣示中外宜知朕意又以殿中監李輔
 國行營兵馬以御史大夫賀蘭進明中京留守時公
 卿皆獻書進諫帝以制命已行不納考功郎中知制
 誥蘇源明及給舍等上言切諫帝省表遂不行

代宗寶應二年五月幸興慶宮即日還大明宮

大曆二年二月壬午幸昆明池從俗踏青也

德宗貞元三年七月丙寅幸章敬寺

七年七月幸章敬寺賦詩序皇太子在侍進和兼題

百寮畢和以班列焉其後京兆尹薛珣請皇太子書

帝詩序刻石而墳之以金

八年七月幸章敬寺

十二年九月癸卯幸魚藻宮即日還

十三年四月壬戌幸興慶宮龍堂求雨七月幸魚藻

官池先深一丈更掬加四尺

十九年四月幸家令寺

憲宗元和六年七月戊申御興安門觀樂日

十五年七月幸安國寺觀釋氏孟蘭盆之會庚辰後

幸興福寺

穆宗元和十五年八月壬申幸魚藻宮

敬宗寶曆元年十一月幸溫湯卽日還宮

二年三月戊寅幸魚藻宮觀競渡己卯賜魚藻宮從

官左右神策中尉諸司使翰林學士等錦綵銀器有

差十月丁未幸城南華嚴寺

文宗太和四年八月戊辰幸禁園亭會昌殿奏新樂

七年十二月庚子駕幸望春宮

昭宗乾寧五年三月庚午車駕幸韓建南莊六月帝

幸西溪觀競渡

光化元年車駕在華州四月幸陟岵寺宴從官於韓

建所獻御莊六月幸西溪觀競渡

後唐莊宗同光元年十一月詔將自汴歸維有事於

南郊河南尹張全義進迎駕法物儀仗甲子帝發汴

州十二月庚午朔車駕寅時發自石橋御史中丞李

德林率文武百官班於積潤驛六軍諸衛金吾儀仗

大常法物畢陳於路自上東門歸大內百官稱賀辛

未以百官初至雒放三日朝叅壬辰幸伊闕

二年二月戊寅幸李諱

明宗也

宅宣教坊樂盡歡而罷

巳卯幸左龍武軍辛卯寒食假帝出宣仁門幸東宅
皇太后皇后幸水陸院尋勝教坊內弟子作樂晡晚
還宮三月甲子幸東宅皇太后幸水陸院召李諱侍
宴五月辛丑幸內園觀親殿上梁又幸郭崇韜之私
第置酒作樂七月乙酉幸龍門之雷山祭天神從北
俗之舊事也八月幸皇太子繼岌院奏教坊院樂縱
酒而罷九月甲寅幸郭崇韜之私第宣教坊樂置酒
會從官至一更還宮十月甲申幸小馬坊閱馬十一

月巳亥幸六宅作教坊樂宴諸皇弟戊午幸明宗第
又至宋州節度使元行欽之第縱酒作樂一鼓三籌
歸宮十二月戊辰幸西苑庚午車駕幸張全義之第
丙子勅大名重地全魏與區成予定霸之基致我興
王之業蓋以土田沃衍庶士忠勤載想寅緣得無睠
矚近者頻令按察頗樂和平旣堅望幸之誠宜舉省
方之典取來年正月七日朕當巡幸東京丁丑勅中
書門下省御史臺尚書省諸寺監大卿監各差有公事
官三十員從行乙酉幸廣化寺祈雪乙丑又幸龍門
三年正月乙未御史中丞崔協率從駕官屬先發東

京番中書省印宰臣趙光裔惟中行事丙申勅翰林
學士中書舍人金吾將軍兵吏部郎官扈從餘官並
取三日先程赴鄴庚子車駕幸鄴京扈從軍三萬陳
於上東門外帝御城樓慰撫而遣之宰臣趙光裔率留
守司官屬辭至白坡河陽張繼業遣人上章云病甚
既次河陽帝遣御醫視之癸卯駕次新鄉鄴都番守
李岌進御衣繻銀謝巡幸副留守張憲遣少尹龍敏
奉表謁於路戊戌至鄴皇后先歸大內帝自千秋亭
乘輦備法駕晡晚歸宮

三月庚子詔曰朕以削平僭亂底定寰區爰宅維都
再踰星歲乃睠興王之地頗聆望幸之辭暫議省巡
以慰羣品因茲駐蹕俄已經春優恩既洽於大名車
駕宜還於中土俾宣遐邇咸暢昇平可定此月十七
日發程取河陽舊路歸維甲辰宰臣竇盧革御史中
丞崔協率文武從官先赴維京帝詔郭崇韜謂曰朕
思在德勝寨時霍彥威段凝皆予之勍敵終日革鬪
戰聲相聞安知二年之間在吾廡下吾無少康光武
之才一旦重興其構者繇二三勲德卿等同心輔翼
故也朕有時夢寢如在戚城因念曩時挑戰鏖兵勞
則勞矣然而揚旌伐鼓差慰人心殘壘荒溝依然在

日子欲按德勝故寨與卿再陳舊事崇韜曰此去澶州不遠陛下再觀戰地益知王業之艱難可不偉哉已酉發自鄴宮副留守張憲率東京官吏辭於千秋亭是夜次南樂行宮庚戌次澶州辛亥至德勝寨地帝登城四望指戰陣之處以喻宰臣渡河而南公岸西上所至指示廢柵陳曩時勝負至汴軍所據楊村寨因召龍驤神威諸較問當時諸將勇怯以爲笑樂及至戚城先鋒寨置酒作樂日晏而旋丙辰次獲嘉懷州刺史李建鄴謁于路戊午次溫縣前華州刺史高允奇自鞏縣修倉所來見乙未次河陽庚辰早發

至白坡邢州節度李存紀振武節度朱守殷河南尹張全義謁於路宰臣竇盧革趙光喬文武百官班於路左右金吾六軍儀仗畢陳道從還宮

四月壬申幸甘泉亭際晚還宮乙亥帝與皇后幸樞密使郭崇韜私第崇韜進銀鞍馬六匹御衣着五百段銀器副之皇后衣二百段金合副之絹百疋從官李從霸下至供奉教坊伶官優給有差又幸左龍武統軍朱漢賓之第夜漏三刻還宮庚辰帝侍皇太后幸會節園遂幸李紹榮之第五月戊辰幸龍門廣化寺祈雨己未幸玄元廟禱雨九月丁巳出師子門射鴈

於尖山至晚還宮

明宗天成元年八月出上陽門幸冷泉宮觀稼至晚還宮九月乙未幸至德宮因幸前隰州刺史袁建鄴之第甲戌幸冷泉宮觀稼至晚還宮

二年三月壬子朔幸會節園宰相樞密使及節度使在京者共進錢絹請宴壬戌車駕幸甘泉亭四月戊子幸會節園召宰臣學士在京勲臣赴宴甲辰出左掖門觀修堤部署首領及力役軍人百姓賜物有差幸駙馬石敬瑭晉高祖也宅又幸安重誨第進酒奏樂例加賜賚六月庚子幸白坡祭突厥神至晚歸內七月

幸冷泉宮至暮歸內

八月秦王從榮自鄴中至泊於至德宮帝幸其第宣禁中女伎及教坊樂飲宴至晚從榮進馬及銀器錢絹帝賜諸伎樂及行從人等乘輿歸內己未御札就中書示諭曰歷代帝王以時巡狩一則遵行典禮一則按察方區矧彼夷門控茲東夏當先帝戡平之始爲耿躬殿守之邦俗尚貞純兵懷忠勇自元臣鎮靖庶事康和兆民咸樂於有年闔境彌堅於望幸事難違衆議在省方朕取十月七日親幸汴州其公路一行宿食頓遞可下三司排當務從簡儉不得勞擾人

戶至於扈從兵師亦已嚴行誠約兼告諭東北道諸
侯不得迎駕朝覲庚午勅應兩省及諸司有公事朝
臣並隨駕西班差左右金吾大將軍及諸司衛將軍
等十餘人扈從十月甲辰勅少府監聶延祚等以大
駕巡幸告祭神祠帝御興教門懾諭樓前兵士乙酉
幸汴州馬步軍士數萬人自級節以上各賜錦衣鎧
甲光明組練鮮潔法令如一行伍日嚴師徒雄盛近
代罕比懋於積潤驛宰臣崔協引百官辭於行宮前
辛丑詔曰禁暴戢兵實繇武德安人和衆乃契天心
車駕自離雒京戒嚴兵士不犯一物不役一夫河流

井泉此外無取尚恐州縣以迎駕爲名妄有配率或
加察知必不容恕車駕至汴帝出咸安門封禪寺遊
幸至晚歸內十二月壬午幸西郊食於釋氏知庖司
取樵蘇于僧舍命遠買以償之庚子幸石敬瑭公署
及康義誠私第

三年正月壬子延宰臣於玄德殿帝欲巡幸鄴都鄭
珣等贊美其事癸丑內出御札曰王者以六合爲家
萬幾是務動必從於人欲道貴表於君臨矧以大業
名都先皇舊地干戈近息井邑初完去春特命親賢
出分攸寄一載之化條方闡六州之生聚咸蘇朕又

竊念并汾有同豐沛欲和鑿之親撫慮致勞煩移嗣
子之總臨典諧委注今則以令赴鎮兼報行期而鄴
都士庶馳誠表章繼至思朕車御暫到庶彼內外永
康豐興後后之詞何爽省方之便朕今月七日巡幸
鄴都踰月之內却駐梁苑其公路宿食頓遞並仰三
司預專排比不得輒擾人戶付中書門下准此辛酉
宰臣與百官詣閣進表請辛未幸鄴都及且住般糧
尋降御札曰朕以鄴都望幸暫議省巡雖宣命已行
而憂勤是厲切緣禁軍家口元住雒京般取或在道
塗已到未經信宿念其辛苦動繫憂勞所宜別選良

辰以副朕意今改三月十三日故茲札示壬戌追朝
宣御札於閣門曰朕每念耿躬嗣承丕構厲憂勤於
庶政持兢業於厥心罔敢怠荒冀符禪益去歲以五
兵偃息九穀豐登指內外以省方懌羣情之望幸迨
於駐蹕允恊來蘇迺瞻鄴城匪遙梁苑復念興王之
地思從僎后之詞將命和鑿指期屆路卿等情深許
國道在弼予旋貢表章罄輸丹赤備閱傾虔之懇深
詳啓沃之規已諭淹延禪從俞允其六軍經費諸道
轉輸國計所先兵食斯衆將致贍豐之備難矜運輓
之勞既念疲羸粗宜蠲減其百姓般糧至雒京並却

停罷只今近東州府般至汴州

時將幸大名也六卿家口終自雒陽遷於

汴水頗亟聞順動初有難色及至百官上表聖慮未
迴頗有狂說定州王都正多疑慮人情相恐軍士惶
惑在位咸不敢言趙鳳手疏於安重誨直論其事重
誨自驚具白於帝翌日詔罷行期內外謐然安帖

二月帝在汴丁酉出御札於中書曰朕聞王者握圖

御宇應天順人必從億兆之心以副寰瀛之望朕恭

承大寶漸致小康當時和歲豐之辰叶海晏河清之

道思從望幸爰議省方昨者以全魏名邦興唐霸國

當去弊除姦之後是安民撫衆之時思暫議於巡遊

庶躬親於勞慰尋頒詔旨已定行期而聞衛士連營

方諧聚族農功務穡始在承春雖無供億之勞寧免

差雀之患而又勲賢拱北藩翰勤王儻萬乘之少番

煩諸侯之入覲况復大臣抗表多士輸忠睹瀝懇以

再三閱封章而數四諒為裨益深可嘆嘉宜罷鳴銮

且謀駐蹕凡在中外當體朕懷先取今月十三日巡

幸鄴都權停四月癸巳駕出北門觀麥翌日謂侍臣

曰昨日出城詢諸父老苗稼滋潤牛驢皆肥喜形于

色朕亦樂之左右皆賀五月帝幸西莊宴迴鵲召前

節度使赴之六月乙卯幸南莊八月戊戌幸西莊閏

八月戊辰右散騎嘗侍李光憲上言請車駕歸雒陽

修大禮於南郊九月壬午幸南莊翌日謂侍臣曰朕

見西郊種麥已知生民之苦辛深可憫念十二月甲寅帝幸開封府六宮從行宴樂頒賜至晚幸康義誠楊漢章私第賜捧聖三指揮絹千疋翌日顧侍臣曰行幸飲六十餘盃亦覺太甚左右無對者

四年二月丁卯東京留守孔循請車駕還京師己酉出御札宣示中書曰朕紹續鴻圖撫寧諸夏爰從維邑來幸浚郊屬中山興勃逆之心外寇恣朋連之勢致煩征討方見盪除皆宗社之威靈盡忠良之裨贊自此遐邇永遂隆平蓋以久別三川嘗懷九廟既克清於氛祲宜便復於京師取今月十三日歸維都庚

戌差內臣公路排頓辛亥幸西莊丙辰車駕將自汴歸維文武百官先赴維京辭丁巳帝取二十四日歸京駕出厚載門觀步兵先發甲子車駕歸京宿于中牟縣百官詣行宮起居各賜酒食帝謂侍臣曰麥田稍旱朕已闡申禱祈乙亥屆鄭州雨三日百辟稱賀丙寅以未晴駐蹕鄭州宴從官於行宮庚午自石橋排儀仗列大嘗鹵薄鼓吹車輅法駕道引至未時入上東門

三月壬辰幸延慶庄戊戌幸會節園召從臣赴宴四月幸西莊五月幸龍門諸寺六月幸至德宮八月十

五日幸金貞觀至東午橋還宮九月辛卯幸延慶莊
至晚還宮十月壬子幸七星亭至晚還宮庚申幸龍
門至晚還宮甲戌出徽安門按夏州所進白鷹十一
月壬辰幸鎮國橋慰勞工徒而還戊子出上陽門幸
苑內亭子閱馬至晚還宮

長興元年正月丁卯閱馬於苑內至晚還宮癸未幸
至德宮二月戊戌幸長夏門稻田莊至晚還宮三月
丁卯幸會節園宴宰臣及諸道入觀節度使賜物有
差因幸河南府至夜歸宮壬午幸河南工役所丁亥
出上陽門觀稼至晚歸宮四月丁酉幸長夏門稻田

莊巳亥幸會節園宴大臣至暮歸宮八月出定鼎門
觀秋稼九月壬午幸至德宮十月幸龍門至晚還宮
十二月辛亥出歸子門幸苑中新修亭子至晚還宮
二年二月丁酉幸至德宮因幸前襄州節度使安元
信東州王突欲之第賜突欲絹三百疋至晚還宮三
月庚申幸左藏庫給將士金帛仍親視之四月丁酉
幸會節園宴宰臣親王內臣及在京侯伯因幸河南
府秦王從榮進馬請賜侍臣宴羣寮至晚還宮乙巳
帝幸龍門佛寺祈雨至晚還宮

三年正月辛丑白坡新修軍營駕幸觀之稱旨賜部

署軍吏等物有差癸卯御中興殿顧謂侍臣曰朕幸
白坡登邨山忽於山谷荒榛之中見有百姓興築房
舍甚嘉歎之三月丙辰幸龍門永定庄甲子幸至德
宮至晚歸內五月甲子觀雒水漲溢是日水落三尺
至午還宮賜控鶴官錢各一千油衣一事已丑帝觀
穀水至午還宮十月庚申幸至德宮因幸石敬瑭李
從敏之私第十二月癸丑幸龍門觀工徒修伊河石
堰以羊酒賜役夫如雒堤例伊水中流榜夫墮水遣
人拯之以包錦賜之

四年三月幸龍門七星亭農事方春田民遍野上覓

其剗音洛桑稼樹枉駕勞問親自勸課八月壬申幸至

德宮自聖躬不豫未嘗宴遊至是始幸都民瞻望輿
輦夾道歡呼所至如堵九月丙子幸至德宮士庶夾
道歡呼以帝初不豫至是喜帝復能騎乘也十月辛
未幸宮西土和亭至晚還宮

末帝清泰元年六月庚辰幸至德宮又幸房知温安
元信范延光索自通李從敏居第各賜繒帛銀器至
夕還宮七月甲辰幸龍門佛寺禱雨十二月庚寅幸
龍門禱雪

二年十月丁卯幸崇道宮拜老子祠出定鼎門幸甘

泉水亭賜從官酒食日夕還宮甲戌幸樞密使趙延壽之第河南尹重美從獻金酒器四十事繒帛三千疋供御馬八匹金線袍玉帶樞密宣徽內諸司使皆贄幣馬賜公主及諸子金帶金器幣馬有差移幸三司張延朗第昏瞋還官

三年正月戊戌幸龍門祈雪

晉高祖天福元年十二月乙酉朔幸河陽餞送大相溫蕃部兵士歸國

二年三月勅曰王者省方設教靡憚於勤勞養士撫民必從於宜便顧惟涼德肇啓丕圖嘗務去乎煩苛

異漸臻於富庶而念京城俶擾之後舟舩焚蕪之餘饋餉有虧支費殊闕將別謀於飛輓慮轉困於生靈以此咎心未嘗安席今以夷門重地梁苑雄藩水陸交通舟車必集爰資經度須議按巡寧免暫勞所期克濟宜取今日二十七日巡幸汴州諸道州府節度防禦團練使刺史不計遠近並不得輒離州城來赴朝覲文武兩班委宰臣酌量逐司量差官員隨所應奉公事外餘並留守司所在行宮一聽仍舊不得修葺經過量事通得車馬外方當農時不得勞役人戶修治公路食頓並委所司破省錢物預前排備所在

州縣並不得輒有科斂布告中外咸使聞知凡百臣寮宜體朕旨中書奏車駕經過河南府河陽鄭州汴州管界所有名山大川帝王陵廟名臣等去路十里內者伏請下本州府各排比祗候俟車駕經過日以酒脯醢祭告從之庚辰帝卯時離京至積澗驛下馬留司官等班辭辛巳帝寅時離偃師至孝義食巳時至鞏縣壬午帝丑時離鞏縣汜水食上馬至滎陽四月癸未朔帝丑時離滎陽至瀕水食鄭州防禦自景友進牲餼器皿帝曰不出民力否景友奏曰臣畏陛下皆辨於已俸乃令收之甲申帝至中牟丙戌帝巳

時入汴州至鞠塲宣諭隨駕馬步兵入內

三年正月壬戌夜放燈都人夜遊帝御大寧宮門樓觀之

五年八月丁酉觀稼於西郊辛巳觀稼於沙臺

六年七月甲申降御札曰朕自承天命肇啓帝圖期四海之混同法五載之巡狩睠惟全魏實日與區人物殷繁山河雄壯地雖昇於都邑民未識於乘輿皆傾望幸之情宜展省方之義取今月五日暫幸維都公路供頓並委所司以官物排比州縣官不得科率人戶其隨駕內外官員并馬步兵士等不得擾人踐

踏苗稼中外遐邇宜體朕心前均州刺史劉禧爲隨
駕橋道使鄆州節度使杜威爲隨駕御營使遣護聖
右廂都指揮使梁漢璋等領兵士八指揮往鄆都賜
衣服錢絹茶有差宣放文武百官朝參兩日取便進
發壬辰離東京宿封丘己亥至鄆左右金吾六軍儀
仗排列如儀迎引入內

七年正月庚午上元節燒燈帝御乾元門觀之夜半
還宮

少帝以天福七年六月卽位八年二月庚戌御札宣
示曰控制寰中梁苑得舟車之要撫寧河朔鄆臺有

粟帛之饒先皇帝肇啟其扃咸昇都邑南北非遠來
往是嘗今則時正晏清候當和煦宜迴金輅往幸夷
門宣取今月十一日還幸東京應沿路州府並不用
修飾行宮開治道路食宿頓遞並以官物供給勿令
科歛人戶側近州府長吏勿來朝覲凡在遐邇宜體
朕懷己未登鄆都辛酉至澶州甲子次封丘文武百
官見於行宮乙丑至東京庚午幸南莊七月丁酉幸
南莊召從駕臣寮習射路左農人賜布衫麻屨
開運元年十二月己亥朔幸高門臺

二年四月丙寅在澶淵是日帝出北門巡幸至戚城

東宣隨駕臣寮習射晚際還宮十月幸硯臺迴幸魯國大長公主第至暮還宮

三年二月壬午帝辰時乘馬幸南莊汳河射鴨子向西至板橋沙灘下馬召隨駕節度統軍皇帝眷賜茶酒已時回至南莊臣僚賜食畢唱蕃歌赴行宮射弓復命臣寮上船飲酒至東庄次入鄴都畱守杜威園醉方入內四月丁未幸大年庄遊船召近臣前任節度使開宴射弓酣甚賜羣官器帛物等又召彈獨絃琴瞽者昭陽人數十輩皆賜物有差及夜歸內漢高帝以晉開運四年二月辛未卽位改開運四年

爲天福十二年九月御札取今月二十九日暫幸澶魏十月壬午次長垣癸未幸蘧伯玉廟駐蹕賜臣寮酒丙戌次澶淵戊戌至鄴城院中駐蹕因幸節度使高行周本營賜羣臣酒食十一月帝乘馬幸御營東金堤臺父老張進等數十人進茶湯帝曰朕之北來都爲百姓勿以暫時駐軍而爲煩也衆皆歡呼因賜物有差

周太祖廣順元年正月丙戌幸城西御園午後還宮二月己未幸城南園賜從官酒食申時還宮三月辛未幸城西城南御園及史弘肇園太祖嘗與弘肇遊

宴其間臨觴嗟叱久之至晚還宮己丑幸城南園賜
從官酒食申時還宮四月戊申幸城南園賜從官酒
食申時還宮五月壬午巳時幸城南園賜從官酒食
六月壬子巳時出金義門幸城西園申時還宮八月
乙未辰時車駕幸班荆館賜從官酒食乙巳幸城西
園內閱新城戰棹十二月乙未辰時幸城西園賜從
官酒食申時還宮丙辰幸城南園賜從官酒食申時
還宮

二年三月幸城南園召宰臣諸統軍射十一月丙戌
車駕辰時幸南園賜從官酒食申時還宮庚子幸樞

密院王峻請之也時峻於本院東別修廨署大興屋
宇及成欲太祖幸後卽於中視事太祖從之卽召近
臣賜酒食賜峻繒絹十疋銀器三千兩宰臣馮道已
下及宣徽使翰林學士樞密直學士賜物有差午際
復召宰臣樞密使前節度使諸統軍後園射賜物有
差十二月壬寅幸城西園召從官射申時還宮

三年正月辛巳幸城南園賜從官酒食申時還宮三月
戊申幸城南園賜從官酒食申時還宮五月壬寅幸
城南園賜從官酒食申時還宮十月丙辰辰時幸城
南園又幸城西園賜從官酒食申時還宮

世宗顯德元年七月庚辰出薰風門幸南御庄觀稼
至晚還宮八月甲辰出金義門幸南御庄召武臣觀
射至晚還宮

二年十月癸酉幸禮賓院旣而薄狩於近郊帝親射
兔中之

五年五月辛丑幸懷信驛癸卯幸造船務九月丙子
幸造船務及玉津園己酉幸東水門命水工修利堤
岸

六年二月辛丑幸迎春苑及新蔡河因就陶家觀其
陶器旣而賜陶人物有差三月丙午朔丁未幸造船務

幸未幸造船務壬申宴於廣政殿



冊府元龜

冊府元龜

帝王部

卷之一百十四

二十一

